

湘綺樓日記

二三

湘綺樓日記

光緒二十八年壬寅

壬寅正月壬戌朔晴未起王女已來拜年余至家女又在家朱釋泉亦先到隨至均可謂踴躍從事者拜

廟受賀畢還舍受賀爆竹烟咫尺不見物從來無此喧闐亦劉仲良所謂

爲寒士吐氣者兒女守歲並困倦過午乃有客至凡見楊兒任師丁孫

梁壁園旋過僧舍齋集有蕭希魯李少允父子及陳再伯

松生子也

劉坤二

諸寺僧衆五六人夕散懿猶未醒

二日晴城中來賀年者竟日不絕皆避未出曾生周年孫便衣來謁余云

踰垣閉門正避拜年客也昔解孟子書驅飛廉於海隅是講洋務者今

又得此解與番禺令說約與國戰必先同爲善談孟子孟子正未可廢

二 詼諧先輩也

三日晴國忌無賀年人亦新講究早年不問服色此皆官氣也寄禪來言
羅順循

四日晴遣僮補飛名片午過蔡洋道遇席督銷復過趙從炳而還雲孫來
功上食

五日晴撫轅飛片在其來拜後似乎太簡特往答之並訊歎血愈否爲余
言葉張諸紳登報昨發電問外部余以爲不必而兪紳必欲詢之豈畏
親家翁反臉耶夷威及於巖穴則所謂莫不尊親者確有其驗出過家
舍昇而徒功婦進膳

六日晴城隍祠住持和菴設齋寄禪云初正那可入鬼地已辭之矣笠道
來邀同往又隨而諾之過家遇一貂珠人乃文擅湖南自蜀歸邀入略
談云何棠孫亦歸矣紛紛還家可喜也二僧避客登堂已乃同往客皆
不至唯一陳姓闖席及和菴僧妹夫同坐去早散遲甚破工也窠女來

送膳姊妹畢集

人日晴朝食後

夏三嫂次子來見字擇老實人保家兒也

聞爆竹聲甚訝何人乃擅湖南來

送壽禮拜而受之遣招笠僧則已遯去初不疑其逃席因過上林寺乃

知之步往卅局無人焉者遠路邊井尋留田館乃得之於黎家坡賓興

司事皆在唯見葛蕭又過楊仲子

在洪井葉鄰

還至上林聞大聲出屋未審

爲誰入見孔葉孔云子婦初昏而喪葉云日作冶游以爲得意亦太無

恥矣粟王繼至笠僧不來寄禪甚不自得未夕而散房嫗告歸遂瑣門

去丁氏三子來遜卿果臣孫也

八日晴寫扇一柄鄭婦弟來遂以與之又寫對聯四副午至小瀛洲坤二

設齋又煮魚翅相款客有李時敏李少允父子笠道青蓮三僧未夕散

大昇從織機巷報謁蔣又懷陳程初赴草潮門陳家陳仁

子翼棟

爲主

人諸紳半集二道爲客各與接談恐夜散太遲半席興辭六女上食猶

未至遣兩兒攜婦先歸山莊行李已整頓矣

九日晴晨發行李留夫擔運青蓮設齋云過午不食欲早赴集笠云必待
午後不從其禁約也訪鄔師兒湯又安湯處遇汪龍小坐而出見朱宣
八楨譚生沈粹兒曹厚之黃修源談洋馬頭李宗蓮願辦又云回京似未
太平張劉俱當入衛瞿張朝望甚佳久之乃去胡壻又來僧已再催矣
步往三官殿迷其門徑旁皇久之復遇陳姓指引在周家對門入則笠
寄道二僧俱在又講和矣張坤二趙少耶張怡仲夏兒俱在青蓮設齋
宿雲爲主未正散過家小坐還看兩婦猶未欲去促之出城行李已不
及出矣胡氏外孫女來長婦亦來至夜攜五孫踏月復至家小坐獨步
還舍遣舁送婦因迎兩孫
十日陰有霧雨旋霽黃文桐同知來歷訴坎坷笠僧來約往龍祠常靜來
訴其徒小雨欲出仍返賀子明來見出門又遇尹和伯周生同行至府

後周自南去過尹寓小坐循撫垣至壽星街尋龍宮道不得法喻避去
其師弟設齋請章童子張怡仲劉坤二張傳臚雨泔泔下菜遲遲來遂
盡一日昇還少愒陳雨初來三年契闊余兒受其乾館亦當辭之又不
知作何詞也諸女並赴王生婦家春酒大雨往還至初更未休更迎黃
孫來並滋及兩孫女均宿舍中以息疲人

十一日陰復有晴意長沙令國忌宴客既約申刻復改早飯應酬無聊至
此余亦從而無聊街溼昇往闖撫轅過柵丁擔夫口角手搏俱不知禮
余默而已約束家丁最難步步宜謹不可令張正暘見也往則客猶未
至頃之任黃二師與子清同來劉師羅洋繼至散已將夕復過陳崧生
家齋集從浩園還

十二日癸酉雨水晴三官僧宿雲早齋晨往欲往趙道臺來復聞房中有
客道香僧先至昇往則笠僧先到矣怡仲寄禪夏子同集坤二不來云

往陶真祠行香陶卽士行子孫也修道未聞豈亦五斗米道耶午還未能款談且出謝陳黎因訪吳仰煦便過張狀元遇李少耶訓蓄不知何許人也小談而別還夕食陳宇初黎竹雲皆施主宜有一飯之報令諸女開單營辦鄔師夜來狗兒來得呂夏書

十三日晴尹和伯來照像設坐僧堂功兒兩孫均到午後朽畢留至講舍飀心王鏡芙來午集劉師家摸雀曾翰臣其姑耶也與劉父子同局未半黎竹雲來汪知縣來懷庭女婿也無書卷氣云摸雀第一黎代劉汪代曾局散無勝負夏武夷寄壽文水禮

十四日晴明日請客諸女兩傭皆至家助辦余亦還部署欲舁還蘭孫亦當舁乃步從不及比到已決澁閉門登陴矣叫呼乃關門少愒步至瀏陽門李氏懷廬赴羅麟閣招設越食熟客有任師王莘田魏鐵三論碑帖之殊茶煤之稅夜舁還微雨夜半遂雨

十五日雨陳湜兒索作祠聯丁王生並送湯圓廖世英梓材來陳亦漁子婦來看璫女其叔姑兄妻也此人不見經傳六十年矣廖誤以在講舍請客到遂遣舁夫去余告以尙早辭去無轎乃遂踏泥後又甚雨遣覓不得頃之取空轎去余亦還家王生已久待夕始催客客不待催已陸續來黎竹雲劉省欽梁璧園與王廖同集更招朱穉泉黎令意也散正初更渝酒甚佳留送黎船待煑髓供神二更後始行禮受賀諸女皆至還舍已鷄鳴更煑髓摸牌乃寢

十六日大雨遣看船還山丁秩臣孫謙字苻泉來言祖父無傳允爲撰述

果臣孫遂來求事亦爲干但皆應辦事也作陳祠聯

孤壘捍神京樂苑論心分勝生民功

不朽新祠鄰故宅曾楊把臂世家喬木澤偏長 夜晴有月

十七日晴晨寫字數幅盡還墨債看船始定期後日發婁兒請客席於王

家余初不知以爲公局惡其有婁名辭之尹和白來云照相不現當重

照

十八日大晴甚煇陳梅根引顏可鑄郭又衡及其姪婿族孫來云欲一見同里而會於異縣可笑也和伯早來照像更就大殿東堂設坐往照畢更邀照像易生來啜茗而散飯畢就轎至任師處摸牌久無人至出街游行道滑不能遠還則二湯潘石均至湯前來誤認黃王告以年誼以爲不能相會未半月而相逢信乎路窄也彼此相謝各懷不睦與同摸牌頃刻負進數十金湯兒知不償進堅辭另局與潘季魯曾翰臣查文案出現銀博廂房余與任石終局局散趙階六釐員始至酒殺均不旨昇夫未至任僕送還

十九日晴昨發行李今猶未半欲面干藩臬買小毛衣未得乃作書與但託丁劉丁勇繼託鄔兒夏託任兒陳芳晚陳海鵬爲左託孤兒李祥霖託王門斗寡婦糧黃文桐來謝委俞撫信人也常時五官並用曾不厭倦

今乃疲於接對手揮心應猶似昔耳功來竟日余凡三出三返皆以客
故初遇劉采九云長余七歲次遇陳芳畹三遇朱偉齋復與書劉定夫
託薦胡升又還賴福於任師與唐二以乾館諸事就緒掉手遂行城門
泥滑復遇空轎登舟見客則彭五奉雉壽貴祥也雉傷翅而不死耿介
入羅之說未確乃命畜之俄頃便夕催功早去開鋪挂帳初更俱睡

廿日陰晴大風逆南不發胡氏外孫男女長婦及兩孫女均來喧笑竟日
至夜轉風

廿一日陰北風甚壯帆至昭山戲風船簸俱立舷邊避傾仄行十餘里乃
平昭山險聞六十年矣乃今知之夕過縣城不泊入漣行遲夜投沿湘
河宿志所謂袁家河因山松而名者也樹生自雷卡來求書與書衡岑
廿二日陰纜篙並用晡乃至姜畚帆過南柏塘竟入湖口行李不移輜重
全至初所不料甚快慶也待昇必夜率諸女皆步上北風吹面女皆寒

涕余慣不覺也又知御風而行亦非易事到家已夕船物亦皆運至以已室居璫自移書房移王生於客房夜爲祿孫設湯餅

廿三日陰甫欲料檢書籍並筆墨全非故處紙格遂不知所往書亦失散又一番流離也衡道專人來請題余生遂專爲擬題之用良可笑歎庸松來冒冒失失但欲覓薦書隨語誨之彼皆不悟張生兄及許都司來亦苦求薦書左仲茗所謂可殺可劓者卽依所請與書程生令量材用舍夜作書復錫程兼請程辦屋料遣方僮下縣取字畫

廿四日陰大風將運穀不果遣衡足去常信復來常壻遣迎婦女鄉人來拜年送鷄豚者相繼始令黃孫溫書寫字字猶未荒

廿五日陰晴楊生來韓布衣沈山人先在正談王伯略問我自負伯才今當何如余云無王有伯伯王一道也伯之所及者狹耳其設施皆王道非後世所謂偏霸因語楊生當慎所從如爲兪羅驅使則身價先減事

又無成不可妄動也楊又言銀錢漏洋余云此魏氏謬計土地不能漏
何患之有金銀無用物古人方欲捐山沈淵今以博易有用之貨不尤
善耶楊意似不以爲然重駁難耳待食至昏暮乃得去夜微雨似霰簌
簌打棚

廿六日晨雨俄晴鄉人塞神壽龍見過來祝釐四老少來示陳經畚詩值

得一差當與浙撫謀之

全校水經注河水篇石鹽大段從朱改火燬誤也火不燬鹽燬亦不破大段謂太大不合用耳

約王生過其家飯相去四千里居在鄉僻也年中各得登堂亦可詩也
遣至劉坤運穀馮甲來方僮還

廿七日晴遣運穀竟各不去云一不勝一腳痛矣許孫寶老來張武童來

見正暘從弟也田雷子來今日戊子戌初驚蟄四戌矣寫字廿餘紙三

婦上食補在城日供也自四日至十四子女婦孫輪供夕膳尙餘兩子

婦未供故更補之遂可曲宴終月亦慶事也

廿八日陰微雨如霧竟日陰振南鎮湘兩族孫六鐵族子來二楊子來催飯昇夫使得早去當家無人殊不成章也

廿九日晴寫屏殊不成款式幅長勢散不相貫注故也七十年倒紉孩兒蓋知凡事無怵

晦節晴正半年乃得終月游賞實爲罕事彭鶚王鳳兒鄭福隆來周生輝堃來同周生游前山攜黃孫同行欲登雲峰怯行不似壯年矣又雨因還彭傭斥去

二月壬辰朔晴懿婦設湯餅始畢年事已得芥兜蕨拳登盤椿芽老矣桃謝李榮便春深也女婦翦字作壽聯赤文綠字省費省力亦新樣也午後飽睡至初更乃起飯

二日晴唐黃不願鄉工亦遣之去四工去三復少人力矣移牀撤畫爲過

春計未知能安靜否與片但兒送壽對

少村方伯八十五生辰正月十日
薇省月華三五夕楚

南人頌
八千春

楚南字從來少用此亦搭天橋扯來者

三日晴看水經寫字如額田雷子請春酒午前遣迎未初往有王鳳啗王瀛臺周生及七都趙生王孫師也有羊肉小碗非鄉裏菜酉初散家昇來迎還

四日晴看水經寫字過元功塘看紫荆院內海棠滿花說籽材庶邦高作高卽百解高作卽作新邑下文庶邦丕享卽與上相應而后式典集四字晦拙仍當以集庶邦爲句丕高皇天是王之高非邦之高也後世用其法以集庶邦則可大高皇天盡附中國民矣如此文句較順

五日晴張聲仁來求書極異事也一見糾纏歸之宿業依所請而與之盛兒又來求書張誠妻兄來求字皆與周生同至佳賓滿坐思之啞然夜雨

六日雨時作時止未慰農望喜無人來耳看水經北方水道今皆無迹欲

一一圖之

七日晴蘇三晨來得功及陳壻書並送臘肉樹生婦來辭去訝其泥行云已滿矣今日戊戌社日張星二王包塘來王亦族子也而不知其名字輿云代順云與包塘同產未分而賣地得銀已充公用今始欲分耳余不理族事令訴主者

八日大晴晨聞犬吠自起看乃無人還待鷄鳴乃起辰鷄也正農家食時寫字誤斜一行意甚懊惱遣蘇三去小婢無人照料亦遣之懿與王生俱附船向姜畚四老少來夕有周鎮軍來採采九書求見意不欲見期以明日二胡又來所謂坐上常滿

九日晴熱正單衣猶汗狗孫來云爲花鼓管班因閒來游食也族中皆此類人唯恨堯之睦法鯨之圯耳然古者姓始有族此又流失之過儒者之迂使然團長來訴譚兒談許久猶未盡其意召見周總兵營混也問

其所欲亦自知其無益令姑歸待事四六夕去

十日晴更熱朝食後大南風偶看客房二少已去兩老又來

晉雅亦攜一僕

幸其開缺否則擁擠矣至夜復失去王生以爲尋死甚疑慮也熱氣不

減竟單衣坐談可怪也

十一日晴牡丹蘭草杜鵑並海棠未落差足流賞王生晨還悟其那話

兒去矣所謂百慮愁眠也兩弟並去家中無油遣僮入市便令送之席

督銷專人來言乾餼復書置之狗孫游惰亦斥令去戴表姪又攜傭同

來二胡亦還通山游人四人運租傭工七人總集夕食頓飯五斗米盛

集也一日不暇他事夜大風

十二日癸卯春分陰晏起出看新筍未出土戴胡均去閉窗避風看國語

言越王起事書生談兵可笑也便似演劇夜風甚寒

十三日陰小雨如塵便已釀雪看夏勝眼律詩勉以更歷艱難莫以楊升

菴自比自來才子詩人誤人不少使升菴遇我必有所成孔子所謂斐然不裁誠悲憫之聖心也瞿軍大亦非棄材被放差開坊養成亡國之臣矣雖生質各殊不教之害爲大若凡材則不足歎也

十四日大風寒手冷不親几案亦無人來爲楊兒改文唐姓來言賓興田

事

十五日雨時作時止雷殷殷風少止猶寒看管子一卷午有排門求見者云劉春臺乘輿風帽朱十二步從蓋土老也言李巡捕買田批契朱家索加價中人爲難將有大禍笑喻使去但令多煑飯待坐拚而已

十六日陰寒忌日素食有排門來者風帽拖鞋鄧壻也酒氣薰薰言詞鶻突旋又呈詩草不成字自云從江西還已到省稟到又舍去將應鄉試今年兩科並行大有進取之路余唯唯而已須臾辭去彌之兒遂至如

此亦可歎也